

# Fulgentis auctor ætheris

## Brevier-Himno

Ordinara tempo > 2-a kaj 4-a semajno > merkredo > matena laŭdo

*Fulgentis auctor ætheris,  
qui lunam lumen noctibus,  
solem dierum cursibus  
certo fundasti tramite,*

*Nox atra iam depellitur,  
mundi nitor renascitur,  
novusque iam mentis vigor  
dulces in actus erigit.*

*Laudes sonare iam tuas  
dies relatus admonet,  
vultusque cæli blandior  
nostra serenat pectora.*

*Vitemus omne lubricum,  
declinet prava spiritus,  
vitam facta non inquinant,  
linguam culpa non implicet;*

*Sed, sol diem dum conficit,  
fides profunda ferveat,  
spes ad promissa provocet,  
Christo coniungat caritas.*

*Præsta, Peter piissime,  
Patrique compar Unice,  
cum Spiritu Paraclito  
regnans per omne sæculum.*

*Amen.*

latina T: 5-a/6-a jarcento

Aŭtoro de l' etera bril',  
stabilan ordon fiksas Vi:  
La suno estu lum' de l' tag',  
la lun' laterno por la nokt'.

La nigra nokt' peliĝas for,  
naskiĝis nove mond' en hel',  
kaj nia mens' per freŝa fort'  
ekpaŝas al ĝojiga ag'.

La nove donacita tag'  
instigas nin al Via laŭd'.  
Ĉiel' imponas jam per bel';  
serene eĥas nia kor'.

Lascivan ĉion lasu ni,  
ni nin detenu de malprav'.  
Nin ne makulu misa far'  
nek kulpo pro senbrida lang'.

Kaj tiel ĝis la tago-fin'  
ni vivu el profunda fid',  
esper' antaŭen portu nin,  
kun Krist' nin ligu karitat'.

Al Di', la Patro, estu glor',  
al Kristo, Lia sola Fil',  
kaj al la sankta Paraklet',  
tra ĉiuj tempoj, en etern'.

Amen.

E: Peter Langenecker kaj  
Albrecht Kronenberger 2005